

# Imibuzo neziMpendulo zabathengisi abakhokha iNtelantengo (i-VAT) ngokwehliselwa intela ngesikhathi se-COVID-19

Inombolo	Umbuzo neMpendulo
1	<p>Q: Kuyini ukulekelelwa ngokubuyiselwa i-VAT kubathengisi ngesikhathi se-COVID-19?</p> <p>A: Ngenyanga kaMbaso 2020, uHulumeni wamemezela izindlela zokulekelela abathengisi abakhokha intelantengo abathintekile ngenxa yokuba kokunyakaza ezweni ngesimo se-COVID-19. Ngokunjalo, abathengisi abakhokha intelantengo (i-VAT) ababhalisele ukubuyisa amaphepha abo e-VAT njalo ezinyangeni ezimbili bazovunyelwa ukuba babuyise amaphepha abo e-VAT njalo ngenyanga, lokho okuzokwenza ukuthi kuvuleleke izimali ezibuyayo ze-VAT okumele zize kubo. Lokhu kulekelelwa kudalwe ukuchitshiyelwa okwenziwe ku-Draft Disaster Management Tax Relief Administration Bill, 2020 kanti kuzozebenza isikhathi esiyizinyanga ezine kanje:</p> <ul style="list-style-type: none"> <li>• Abathengisi abakhokha i-VAT, ngalesi sikhathi ababhalise ngaphansi kuka-Category A, bazovunyelwa ukuba bathumele amaphepha abo e-VAT nyanga zonke ngesikhathi sentela kuMbaso 2020 kuya kuNhlaba 2020 kanye nangoNhlanguvana 2020 kuya kuNtulikazi 2020, uma labo bathengisi bekhetha ukwenza kanjalo;</li> <li>• Abathengisi abakhokha i-VAT, ngalesi sikhathi ababhalise ngaphansi kuka-Category B, bazovunyelwa ukuba bathumele amaphepha abo e-VAT nyanga zonke ngesikhathi sentela kuNhlaba 2020 kuya kuNhlanguvana 2020 kanye nangoNtulikazi 2020 kuya kuNcwaba 2020, uma labo bathengisi abakhokha i-VAT bekhetha ukwenza kanjalo;</li> <li>• Uma umthengisi okhokha i-VAT, ngalesi sikhathi obhalise ngaphansi kuka-Category B, ekhetha ukuthumela amaphepha e-VAT nyanga zonke ngenyanga kaNtulikazi 2020 (ngoba kuzokwenza ukuthi abuyiselwe i-VAT), i-VAT yanyanga zonke yenyanga uNcwaba 2020 (noma ngabe izokwenza abuyiselwe i-VAT noma cha) kuzodingeka ukuze kusalwe isikhathi esivamile sokuthunyelwa amaphepha njalo ezinyangeni ezimbili.</li> </ul> <p>Ngalokhu, asikho isidingo sokuthi umthengisi okhokha i-VAT afake isicelo kuKhomishana ukuze ashintshe isigaba siye ku-Category C (isigaba esithumela amaphepha nyanga zonke), okungukuthi umthengisi okhokha i-VAT uthathwa njengongena ngaphansi kuka-Category C, uma lowo mhwebi okhokha i-VAT ekhetha ukuthumela amaphepha nyanga zonke.</p> <p>Intela yenzuzo etholwa ezimpahleni ezenziwe phakathi nenyanga kumele</p>

	<p>idalulwe ngokuhambisana nemithetho yokukhiqiza ngenyanga okubuyiswa ngayo amaphepha e-VAT.</p>
2	<p>Q: Yibaphi abakhokhintela abafanelekile ukuthola ukulekelelwa ngokubuyiselwa i-VAT ngesikhathi se-COVID? A: Ukuze bafaneleke ukuthola ukulekelelwa ngokubuyiselwa i-VAT ngesikhathi se-COVID abathengisi kumele:</p> <ul style="list-style-type: none"> <li>• Kube ukuthi ngesikhathi samanje babhalisile ngaphansi kwesisodwa sezigaba ezimbili ku-Category A noma ku- B</li> <li>• Kube ukuthi bathobela ngokugcwele, okusho ukuthi: <ul style="list-style-type: none"> <li>○ Ubhaliselwe zonke izintelo ezidingekayo;</li> <li>○ Awekho amaphepha okubuyisa intela asilele kunoma iyiphi intela abayibhalisele;</li> <li>○ Abanazo izikweletu zentela ezingakhokhiwe noma kubandakanya isikweletu sentela esinesivumelwano sokukhokha ngezitolimende noma ukuhlangabezana okuthile ngesivumelwano noma isikweletu sentela esilengisiwe kusalindwe umphumela wokuphikisa noma wokudluliswa kwecala noma isikweletu sentela esingu-R100 noma ngaphansi.</li> </ul> </li> </ul>
3	<p>Q: Iyiphi indlela engingabheka ngayo ukuthi ngiyayithobela na imigomo yentela? A: Ukuze uthole ukuthi uyayithobela na imigomo yentela, ungenza lokhu:</p> <ul style="list-style-type: none"> <li>• Ungabuka iphrofayili yakho yokuthobela ngokusebenzisa i-eFiling ku-“My Compliance Profile”.</li> <li>• Ungacela isiTatimende sakamuva se-Akhawunti yezintelo ozibhalisele;</li> <li>• Shayela i-SARS Contact Centre ukuze ucele isimo sakho sokuthobela.</li> </ul>
4	<p>Q: Yisiphi isikhathi engingafaka ngaso isicelo sokubuyiselwa i-VAT ngesikhathi se-COVID? A: Ukulekelelwa ngokuBuyiselwa i-VAT ngesikhathi se-COVID abathengisi abakhokha i-VAT kuthokala kanje:</p> <ul style="list-style-type: none"> <li>• Abathengisi abakhokha i-VAT, ngalesi sikhathi ababhalise ngaphansi kuka-Category A, bazovunyelwa ukuba bathumele amaphepha abo e-VAT nyanga zonke ngesikhathi sentela kuMbaso 2020 kuya kuNhlaba 2020 kanye nangoNhlanguvana 2020 kuya kuNtulikazi 2020, uma labo bathengisi bekhetha ukwenza kanjalo;</li> <li>• Abathengisi abakhokha i-VAT, ngalesi sikhathi ababhalise ngaphansi kuka-Category B, bazovunyelwa ukuba bathumele amaphepha abo e-VAT nyanga zonke ngesikhathi sentela kuNhlaba 2020 kuya kuNhlanguvana 2020 kanye nangoNtulikazi</li> </ul>

2020 kuya kuNcwaba 2020, uma labo bathengisi abakhokha i-VAT bekhetha ukwenza kanjalo;

Uma umthengisi okhokha i-VAT, ngalesi sikhathi obhalise ngaphansi kuka-Category B, ekhetha ukuthumela amaphepha e-VAT nyanga zonke ngenyanga kaNtulikazi 2020 (ngoba kuzokwenza ukuthi abuyiselwe i-VAT), i-VAT yanyanga zonke yenyanga uNcwaba 2020 (noma ngabe izokwenza abuyiselwe i-VAT noma cha) kuzodingeka ukuze kuvalwe isikhathi esivamile sokuthunyelwa amaphepha njalo ezinyangeni ezimbili. Kuzosebenza umgomo ofanayo nakubathengisi okhokha i-VAT ngalesi sikhathi obhalise ngaphansi kuka-Category A.

Q: Yiziphi izikhathi zokubuyisa amaphepha e-VAT ezizovunyelwa ngokwesigaba sami sokubuyisa amaphepha?

Isikhathi sokubuyisa amaphepha ku-Category A:

- Isibonelo: Ukubuyisa amaphepha kowezi-2020:

Isikhathi	sokuthumela amaphepha	
Dec 2019 - Jan 2020	Feb 2020	
Feb 2020 - Mar 2020	Apr 2020	
April 2020	May 2020	* inyanga yoku-1 yokulekelelwa
May 2020	Jun 2020	* inyanga yesi-2 yokulekelelwa
Jun 2020	Jul 2020	* inyanga yesi-3 yokulekelelwa
Jul 2020	Aug 2020	* inyanga yesi-4 yokulekelelwa
Aug 2020 - Sep 2020	Oct 2020	
Oct 2020 - Nov 2020	Dec 2020	

5

Isikhathi sokubuyisa amaphepha ku-Category B:

- Isibonelo: Ukubuyisa amaphepha kowezi-2020:

Isikhathi	sokuthumela amaphepha	
Jan 2020 - Feb 2020	Mar 2020	
Mar 2020 - Apr 2020	May 2020	
May 2020	Jun 2020	* inyanga yoku-1 yokulekelelwa

	Jun 2020	Jul 2020	* <i>inyanga yesi-2 yokulekelelwa</i>
	Jul 2020	Aug 2020	* <i>inyanga yesi-3 yokulekelelwa</i>
	Aug 2020	Sept 2020	* <i>inyanga yesi-4 yokulekelelwa</i>
	Sept 2020 – Oct 2020	Nov 2020	
	Nov 2020 – Dec 2020	Jan 2021	
<b>6</b>	<p>Q: Ngiwathumela kanjani amaphepha ami okubuyisa i-VAT?</p> <p>A: Abathengisi bangathumela amaphepha okubuyisa i-VAT ngokusebenzisa i-eFiling ngosuku noma ngaphambi kosuku lokugcina lokusebenza enyangeni, nangokuya egatsheni lwakwa-SARS ungakadluli umhla zingama-25 (noma ngosuku lokugcina lokusebenza olungaphambi komhla zingama-25) emva kokuphela kwesikhathi sentela.</p> <p>Qaphela: i-VAT ehlawuliswe ezimpahleni ezenziwe (intela yenzuzo) kususwe i-VAT ekhokhwe kulabo abakuhlinzeka ngezimpahla (intela yokungenile) kanye nokunye ukubanjelwa okuvumelekile = inani le-VAT okumele uyikhokhe/ezokubuyela.</p>		
<b>7</b>	<p>Q: Kunini lapho ngithola khona imali ebuyayo?</p> <p>A: Uma umthengisi efanelekile ukubuyiselwa i-VAT, abakwa-SARS kudingeka ukuthi akhokhe leyo-VAT ebuyayo ezinsukwini ezingama-21 zokusebenza emva kokuthola amaphepha e-VAT agcwaliswe ngendlela eyiyo nangokuphelele, ngaphandle kokuthola inzalo kuleyo mali ebuyayo ye-VAT.</p>		